



# Plata de Cöra

## dla Comunité d'Antermëia

01.11.2015 – 08.11.2015

VANGELE (B)

01.11.2015 – Gnissant – Vang. Jan 3,1-3  
08.11.2015 – 32. Dom. tl certl dl ann – Vang. Mk 12,38-44



45 - 2015



**Cun les beatificaziuns** rodosa Gejú le monn sotisura. Deache por ël é chës porsones beates che ne vël gonot nia por döt l'ater monn. Y Gejú se mët sön la pert de chi che ne vël incö nia. O se sënta – por baié cun le lingaz de ci che sozed incö – cun ëi te barca. Beac é chi che mëss lascé süa patria; beac é chi che ne é orüs inió.

Dé	Ora	Mëssa
<b>DOMENIA 01.11.</b> <i>FESTA DE GNISSANT</i>	<b>10.15 !</b>  <b>14.30</b>	<b>Gran Messa solena por la comunité</b> <b>in onur de düc i Sanc</b> + siur Heinrich; <b>Zelebrazium dla Parora de Dî y vijita te cortina</b>
<b>LÖNESC 02.11.</b> <i>DÉ DLES ANIMES</i>	<b>8.00</b>	<b>s. Messa</b> por i ++ dl ultimo ann + Mariangel Frenner; + Teodora Paratscha; + Emmi Prousch; + Angel Dapoz; + Moritz Prada + Amalia Erlacher; + Carlo Devall + Carlo Rubatscher; + Ida Dejaco, La Val; aniv. Tio Clara; <b>Vijita te cortina</b>
<b>MERTESC 03.11.</b> <b>s. Hubert</b>		
<b>MERCUI 04.11.</b> <b>s. Carlo Borromeo</b>	<b>7.30</b>	<b>s. Messa</b> + Pire Unterweger
<b>JÖBIA 05.11.</b>		
<b>VENDRES 06.11.</b> <b>s. Linert</b>	<b>7.30</b>	<b>Pröm Vendres</b> <b>s. Messa</b> + Otto Kircher + Maria Unterweger. Cajer <i>Funziun al Cör de Geju; adoraziun</i>
<b>SABEDA 07.11.</b>	<b>18.00</b>	<b>s. Messa prefestia</b> aniv. Jule Chizzali; + Carlo Devall (uniun) + Maria Prada + Honnes Zingerle;
<b>DOMENIA 08.11.</b> <b>32. Domenia B</b>	<b>9.30</b> <b>10.00</b>	<b>Corona por les animes</b> <b>s. Messa</b> por les animes fam. Turnaretscher (rengraziam.)

<b>Mësses a Rina:</b>	Lönesc 19.30 Jöbia 7.30 Sabeda 19.00 Domënia 8.30
<b>Mësses a San Martin:</b>	Lönesc 19,00 Jöbia 7.30 Sabeda 18.30 Domënia 9.30

	02.11.-07.11. 08.11.	Alissa – Ilary – Emily - Kathrin Devis - Letizia – Damian - Filomena
	02.11. 07.11. 08.11.	Petra Clara Patrizia Winkler Guido Rives

**Indulgenza plenaria:** (ciara „Sonntagsblatt“) Dai 1 – 8 de novëmber vignidé na indulgenza plenaria pooscibla. Condiziuns: confesciun (funz.penit.), desdita decisa al picé, comuniun, vijita ala dljia, Credo, Paternoster y oraziun dô intenziun dl Papa.

---

**S'arjgné ca al Bato** - La Uniun dles Ères Catoliches de nosc decanat inviëia düc i geniturs che á n pice möt da batié, përs che aspeta, toc y totes de nosc decanat ala preparaziun dl Bato, che vëgn tignida en sabeda ai 14 de novëmber dales 15.00 ales 17.00, tl salf de colonia a San Ciascian. Prenotaziuns al nr. 0471/849372.

---

**Sorvisc ai Jogn: La ciamena dal guant** sará da sëgn inant **stlüta por i proscimi mëisc**, deache an é tl laur da se trasferí te d'atri locai. Canche l'ativité vëgn indo tuta sö gnaral lascé alsavëi.

---

Le **Sorvisc ai Jogn** lascia alsavëi che **l'ufize** a Picolin é **stlüt** dal lönesc 2 de novëmber al vëndres 6 de novëmber.

---

**Senioren da San Martin y Antermëia** - Marëna cun ciastagnada en domënia, ai 15.11.2015 a San Martin. I se incuntun dales 9:30 tl salf dla refeziun por na lotaria y dales 12:00 marëna düc adöm. Le prisc é de 10,00 Euro a porsona. Prenotaziuns cina ai 12.11.2015 por San Martin pro Alfred al tel. 3333654786 o Gotti al tel. 3286472341, y por Antermëia pro Loise al tel. 3291398721.

---

Le Raiun Sozial Val Badia en colaboraziun cun la Ciasa de Palsa organisëia n **referat** cun Gregorio Rungger dal titul „**Le bot al ce - ictus**“. Al gnará baié sura i segnai dl dé le bot al ce, sciöche paralises o desturbs dl baié, che é n sëgn che al é sozedü n disturb dla zircolaziun dl sanch tl ciorvel. Les terapies poscibles tles prömes ores y la prevenziun de chëstes maraties gnará ince tratades en mertesc 3 de novëmber 2015 dales 20.00 te Ciasa de Palsa a San Martin de Tor. Düc é bel invià.

---

**Comun: incuntade dl'ombolt y dla junta cun la popolaziun** - a San Martin en domënia, ai 08.11., a Lungiarü en domënia ai 22.11. y a Antermëia en domënia ai 22.11.

---

Cina ala fin de jená 2016 sará le **sorvisc aministratif dl Distret Sanitar** Val Badia ma plü davert i dis lönesc, dedemesaledema y vëndres dales 9.30 ales 12.45 (0474 586 120) Tl caje de bojëgn pól gní contaté le distret “Bruneck-Umgebung” 0474 586 506/07/08.

---

An pó indô jí a se lascé fá les **vacinaziuns contra les coies** dai doturs Agreiter y Mahlknecht tratan les ores d'ambulateure.


---

La cooperativa SEA (sorvisc, energia, ambiënt) cun sënta a San Martin de Tor, chir por atira n **colauradú aministratif**. I interessá dess s'anunzié tl ofize SEA (0474 / 524 069)

---



Les mius aodanzes por le compliagn ti fajunse a Agreiter Luigi (89) y a Pedevilla Clara (83). Döt le bun.



„Te chël tëmp, canche Gejù odô le grôm de jënt, él jü sön na munt. Al s'â sentê jö, y sü discepuì ti é jüs pormez. Spo àl metü man da baié y i istruf. Al à dit: Beâc, chi che é püri dan da Idî; deache de d'ei é le rëgn dl cil. Beâc, chi che plüra; deache ai gnarà consolà. Beâc, chi che é saurisc; deache ai arparà la tera. Beâc, chi che à fan y sëi do la iustizia; deache ai gnarà pascentà. Beâc, i misericordiusc; deache ai ciafarà misericordia. Beâc, chi che à n cör nêt; deache ai odarà Idî. Beâc, chi che fej pêsc; deach'an ti dijarà fis de Dî. Beâc, chi che vëgn porseghità por gauja dla iustizia; deache de d'ei é le rëgn dl cil. Beâc sëise os, sc'i gnëis dejonorà y porseghità y scraia fora a vigni manira por mia gauja. Ralegrësse y iubilede: Osc paiamënt tl cil sarà gran.“

(Mt 5,1-12a)



## GEBETSMEINUNG DES PAPSTES FÜR

# November

I periun por dialogh y incuntades personales cun düc, ince cun chi che la pënsa atramënter.

I periun che i famëis dla dlijia acompagnëies sües comunitês cun amur y incorajëies sües speranzas.